


Nyob zoo,

Zoo siab txais tos los rau Cov Txiaj Ntsog rau Early Intensive Development and Behavioral intervention (Kev Txhim Kho Txhij Txhua Thaum Ntxov thiab Kev Cuam Tshuam Pab Fab Cwj Pwm, EIDBI). Minnesota Department of Human Services (Minnesota Feem Hauj Lwm Saib Xyuas Kev Pab Cuam Tib Neeg) xav ua kom ntseeg tau tias koj paub txog tus txheej txheem, cov peev txheej thiab cov ntsiab lus uas lub khoos kas siv. Peb xav kom koj muaj kev ntseeg siab thiab kaj siab nrog koj tus me nyuam cov kev pab cuam.

Tsab ntawv no yuav qhia txog cov lus qhia theem pib txog EIDBI rau koj. Tab sis, yog tias koj ho xav kawm paub ntau tshaj qhov no, koj tuaj yeem mus kawm peb [qhov kev cob qhia txog EIDBI hauv online](#). Nws yuav siv sij hawm kawm thaj tsam li ib teev thiaj tiav.

Duab 1: Cov kauj ruam los nkag mus rau EIDBI cov kev pab cuam



Lub hom phiaj ntawm EIDBI cov kev pab cuam

Lub hom phiaj ntawm EIDBI cov kev pab cuam yog txhawm rau los mus pab cov me nyuam yaus uas muaj tus mob hlwb taj thiab cov yam ntxwv mob uas cuam tshuam rau lawv cov kev txawj ntse kom siab tuaj. Qhov no suav nrog cov kev txawj ntse rau:

- Kev sib txuas lus
- Kev sib cuag nrog lwm tus
- Tsim kev saib xyuas tus kheej yam tsis tos lwm tus pab thiab kev ua cov dej num ub no ntawm kev ua neej nyob txhua hnuv
- Ua kom muaj kev koom tes hauv tsev thiab hauv zej zog ntau ntxiv.

Txoj cai li choj teev kom EIDBI cov kev pab cuam yuav tsum muab leej tib neeg thiab tsev neeg saib ua qhov nruab nrab. Qhov no txhais tau hais tias cov kev pab cuam yuav ua kom haum rau qhov uas zoo tshaj plaws RAU koj tus me nyuam/koj tsev neeg nrog rau yam uas tseem ceeb RAU koj tus me nyuam/koj tsev neeg. Yog li ntawd, cov kev pab cuam yuav tsum muaj yam uas koj xav tau, kev txaus siab, kev muaj nqis, keeb kwm fab kab lis kev cai thiab cov txiaj ntsig tau txais uas xav tau. Txhawm rau ua kom tau qhov no, koj thiab koj tus me nyuam yuav ua tus coj qhia rau txoj kev npaj phiaj xwm thiab kev nqis tes ua raws li kev pab cuam.

Nws yog ib qho tseem ceeb uas yuav tsum tau paub tias EIDBI cov kev pab cuam yog saib raws li ntaub ntawv pov thawj, uas yog txhais tau tias tsuas yuav tuaj yeem muab cov kev kho mob uas muaj kev nyab xeeb thiab muaj txiaj ntsig zoo nkaus xwb.

Kev ntaus nqi xyuas txhij txhua

Txhawm rau pib tau txais EIDBI cov kev pab cuam, koj tus me nyuam yuav tsum tau ua kom tiav qhov [Comprehensive Multi-disciplinary Evaluation \(Kev Ntaus Nqi Xyuas Yam Muaj Ntau Feem Txuj Ci Kev Paub Yam Txhij Txhua, CMDE\)](#). CMDE yuav pab txiav txim xyuas qhov kev muaj cai tsim nyog thiab kev tseem ceeb rau kev kho mob rau cov kev pab cuam. Koj tus neeg muab kev pab cuam CMDE yuav soj qab saib koj tus me nyuam kom tiav, suav sau cov ntaub ntawv thiab tshuaj xyuas cov txiaj ntsig tau txais nrog koj yog thaum ua tiav lawm. Yog tias koj tus me nyuam twb yeej tau kuaj mob tag lawm, ces tus neeg muab kev pab cuam tsuas yuav lees paub qhov kev kuaj mob thiab muab lus qhia tias seb yuav muab cov kev pab cuam pes tsawg teev raws li qib kev txhawb pab uas xav tau. Yog tias koj tus me nyuam tseem tsis tau kuaj mob, ces tus neeg muab kev pab cuam CMDE yuav txiav txim siab seb koj tus me nyuam puas ua tau raws li cov qauv rau kev mob hlwb taj los sis cov yam ntxwv mob uas cuam tshuam. Tsis tas li xwb, qhov kev ntaus nqi xyuas kuj tseem yuav pab txiav txim tias seb qhom chaw twg yuav pab kom tus me nyuam tsim tau cov kev txawj ntse thiab cov hom phiaj twg yog yam tseem ceeb rau koj tsev neeg.

Ua ntej yuav pib ua raws li daim phiaj xwm kho mob, koj yuav tsum kos npe rau daim phiaj xwm kev ntaus nqi xyuas txhawm rau qhia tias koj:

1. Yeej tau paub txog daim phiaj xwm lawm
2. Pom zoo nrog cov lus qhia uas sau rau hauv daim ntawv tshaj qhia lawm.

Qhov kev ntaus nqi xyuas yuav tsum tau hloov kho tshiab txhua peb lub xyoos, tshwj kias tias yog koj thov kom ua sai dua ntawd los sis muaj zoo laj thawj fab kev kho mob kom ua li ntawd nkaus xwb (xws li muaj kev hloov pauv tseem ceeb rau koj tus me nyuam los sis tsev neeg).

Koj tuaj yeem xaiv koj tus neeg muab kev pab cuam CMDE tau. Nws tsis tas yuav yog tib lub chaw uas koj tus me nyuam yuav tau txais kev cuam tshuam pab.

Yog tias koj tau txais CMDE los ntawm tus neeg muab kev pab cuam sab nrauv, tej zaum koj yuav tsum tau ua hauj lwm nrog koj tus neeg tuav tswj cov ntaub ntawv kho mob txhawm rau txheeb xyuas lub chaw hauj lwm txog EIDBI los sis thov kom tus neeg muab kev pab cuam CMDE ua ntawv xa mus. Tsis tas li xwb, koj kuj tseem tuaj yeem siv [lub cuab yeej kev xa mus rau Txoj Kev mus rau EIDBI](#) txhawm rau txheeb xyuas ib lub chaw ua hauj lwm los ntawm koj tus kheej.

Daim phiaj xwm kev kho mob

Txhawm rau tsim daim phiaj xwm kev kho mob, lub chaw muab kev pab cuam EIDBI yuav siv qee yam uas hu ua [Individualized Treatment Plan \(Daim Phiaj Xwm Kev Kho Mob Uas Haum Rau Tus Kheej, ITP\)](#). Lub chaw muab kev pab cuam yuav coj ua tus txheej txheem tsim daim phiaj xwm ITP, tab sis nws yuav saib raws li cov kev ntsuam xyuas, kev xam phaj thiab kev soj qab saib nrog koj thiab koj tus me nyuam. Cov lus qhia thiab cov hom phiaj uas sau tawm los yuav tsum muaj koj tsev neeg li kab lis kev cai, kev muaj nqis, qhov tseem ceeb uas yuav tsum tau xub ua thiab kev nyiam.

Thaum ua daim phiaj xwm tiav lawm, ces lawv yuav kom koj kos npe rau daim phiaj xwm. Qhov no yuav taw qhia tias koj tau tshuaj xyuas daim phiaj xwm thiab koj pom zoo lawm. Koj tuaj yeem kos npe rau daim phiaj xwm ntawm lub rooj sib tham los sis siv sij hawm los tshuaj xyuas nws ua ntej tso tau, tab sis yuav tsis tuaj yeem pib txoj kev kho mob los sis kho mob txuas ntxiv mus kom txog ntua thaum koj kos npe rau daim phiaj xwm.

Daim phiaj xwm yuav raug hloov kho tshiab txhua rau lub hlis, los sis ntau dua ntawd yog tias xav tau.

Cov cai thiab cov kev thaj tsob

Tsis tas li xwb, tus neeg muab kev pab cuam kuj tseem yuav hais kom koj los mus saib tag nrho koj thiab tus neeg muab kev pab cuam [cov cai thiab cov kev thaj tsob](#) los ntawm kev faib qhia cov ntaub ntawv no:

- [EIDBI: Koj Cov Cai thiab Cov Kev Thaj Tsob, DHS-7645A \(PDF\)](#)
- [EIDBI: Lub Chaw Muab Kev Pab Cuam Cov Kev Thaj Tsob, DHS-7645B \(PDF\)](#)

(Nco Tseg: Tag nrho ob yam ntaub ntawv no kuj muaj ua lwm hom lus tib si thiab. Mus rau [Nplooj eDocs](#) thiab tshawb nrhiav lo tias “7645.” Nws yuav qhia cov npe ntawm cov ntawv uas muab txhais lus lawm.)

Cov ntaub ntawv no yuav qhia txog koj cov cai tam li yog cov neeg koom nrog EIDBI cov txiaj ntsig, koj txoj cai thov kom rov txiav txim dua, tus txheej txheem ua daim ntawv hais kev tsis txaus siab thiab ntau yam ntxiv. Lub chaw muab kev pab cuam EIDBI yuav tsum tshuaj xyuas cov ntaub ntawv no nrog koj thaum lub sij hawm ua tus txheej txheem npaj daim phiaj xwm kho mob thiab yam tsawg kawg ib xyos ib zaug tom qab ntawd.

Lub rooj sib tham txog kev saib xyuas yam muaj kev koom tes

Tsis tas li xwb, koj tus neeg muab kev pab cuam kuj tseem yuav tuaj yeem teem caij qhib [lub rooj sib tham txog kev saib xyuas yam muaj kev koom tes](#) txhawm rau tshuaj xyuas daim phiaj xwm kev kho mob. Nov yog lub zim txwv los tshuaj xyuas daim phiaj xwm ua ke thiab nug txhua nqe lus nug uas koj muaj. Tsis tas li xwb, qhov no kuj tseem yog ib lub hwm tsam los ntsib nrog lwm tus neeg muab kev pab cuam los sis cov kws tshaj lij uas yog ib feem ntawm pab pawg saib xyuas koj tus me nyuam. Qhov no yuav suav nrog cov kws qhia ntawv, cov kws kho kev hais lus/hom lus hais, cov kws kho mob fab kev ua hauj lwm, cov neeg tuav tswj ntaub ntawv los sis lwm tus neeg uas koj thov. Koj tuaj yeem thov lub rooj sib tham txog kev saib xyuas yam muaj kev koom tes tau txhua lub sij hawm thoob plaws koj tus me nyuam cov kev pab cuam.

Pab pawg neeg muab kev pab cuam

Koj tus me nyuam pab pawg EIDBI yuav muaj ntau leej neeg. Tus kws tshaj lij saib xyuas uas muaj cai tsim nyog (QSP) yog ib tug kws tshaj lij uas muaj ntawv tso cai uas yuav saib xyuas koj tus me nyuam cov kev pab cuam. Tsis tas li xwb, lawv kuj tseem yuav tshuaj xyuas/kos npe rau koj tus me nyuam daim phiaj xwm ITP thiab. Tsis tas li xwb, koj tus me nyuam kuj tseem yuav muaj lwm tus neeg muab kev pab cuam uas yuav ua raws li cov hom phiaj uas teev tseg hauv daim phiaj xwm ITP thiab muab kev txhawb pab ib leeg tauj ib leeg los sis ua ib pab pawg me-me. Koj muaj txoj cai nug txog kev muaj cai tsim nyog thiab cov kev paub kev pom dhau los ntawm tus neeg ua hauj lwm uas ua hauj lwm nrog koj tus me nyuam.

Cov ntaub ntawv ntau ntxiv

Nov yog cov ntsiab lus luv-luv txog tus txheej txheem EIDBI. Rau daim ntawv teev cov peev txheej ntau ntxiv, mus rau [Minnesota Tus Vav Xaib Peev Txheej Rau Kev Mob Hlwb Taj](#). Tsis tas li xwb, koj kuj tseem tuaj yeem mus tshawb peb [cov lus siv rau EIDBI](#) rau cov lus txhais ntsiab lus ntawm cov lo lus tshwj xeeb. Yog tias koj muaj lus nug los sis xav kawm paub ntau ntxiv, ces tsis txhob ua siab deb es thov xa email mus rau Minnesota Department of Human Services (Lav Minnesota Feem Hauj Lwm Pab Cuam Tib Neeg) Pab Pawg Saib Xyuas EIDBI ntawm ASD.DHS@state.mn.us.

Ua tsaug,

Minnesota Department of Human Services (Lav Minnesota Feem Hauj Lwm Pab Cuam Tib Neeg) Pab Pawg Saib Xyuas EIDBI